أم المؤمنين حضرت ميمونه بنت حارث رضى الله تعالى عنها

> موًلف رازول کو ہستانی

# أُمُّ المُؤمنِين حضرت ميمونه بنتِ حارث رضى الله عنها (كوستانى شينازبان ميس)

پائدُخ: ييٹے پائدُخ 592 عيسوى ده آن وفات: دسمبر، 672 عيسوى ده بِلِس

تابین: حضرت میمونه ولی ای نسبی تعلق نجد ای قبیله قُریش ای شاخ بنو ہلال سے سی اسہ وخ دہ آ قبیله مسلمانو سخ خلافُس آن چوبیو گه دائے حفّاظ گه آ جگا شهید تھیگاس۔

مالے نسب: میمونہ ( اللہ بن جارث بن حزن ابن بحیر بن ہزم بن رویبہ بن عبد اللہ بن ہلال بن عامر بن صعصہ بن معاویہ بن بکر بن ہوازن بن منصور بن عکرمہ بن خصفہ بن قیس بن عیلان بن مضر بن نزار بن معد بن عدنان نبی علیہ السلام سے ییٹے نسبی لڑ مضر بن نزار دی گیے ایکھتینؤ۔

\_

امام ابن حجر عسقلانيُّ، الاصابه، جلد 8، ص: 48\_1

اجیْئے نسب: ییٹے اجیْ یمن اے حمیر قبیلہ اے سیْ۔ شجرہ آئے نوْ: ہند بنتِ عوف بن زُہیر بن حارث بن حماطہ بن جرش²۔

خُرَیمہ بن حارث: حضرت میمونہ اسے اجی ہند بنتِ عوفے مُجِهنی زہانل خُریمہ بن حارث: حضرت میمونہ وسلم ایک دی زینب بنتِ خُرَیمہ رضی الله عنہا پائدا بِلِس آن حضور صلی الله علیہ وسلم ای نکاح تھاؤس۔ زینب بنتِ خریمہ ربیع الثانی 4 ہجری دہ بِلیْ۔

حارث بن حزن: خُزَيمہ بن حارث ائے وفات جی پتو ہند بنتِ عوف او حارث بن حزن سے زہانل تھیگی کھاں سِجی پوش دِجارہ پائدا بِلیئی۔

أسكُون سزاره: أم فضل لبابة الكبرى (حضرت عباس بن عبدالمُطلّب ال حمات)؛ لبابة الصغرى (وليد بن مُغيره اع جمات آن خالد بن وليد اع مان)؛ عصمه بنتِ حارث (ابى ابن خلف اع جمات)؛ عزه بنتِ حارث (زياد بن مالك اع جمات).

ملجَلِی سزارہ: حارث بن حزن ائے وفات جی پتو ہند بنتِ عوف ائے عمیس بن معد سے زہانل بِلی کھاں سِجی آئے چے دِجارہ بِلِیاسیْ:

مدارج شریف، جلد 2،ص:661 <sup>2</sup>

اسماء بنتِ عمیس: ییٹے مُچِھنو نکاح حضرت جعفرؓ بن ابی طالب سے بلو، سیٹے شہادتِجیْ پتو صدیق اکبرﷺ سے آل سیٹوجیْ اوزگار بونِجیْ پتو حضرت علیﷺ سے نکاح بِلوْ؛

سلمیٰ بنتِ عمیس: ییٹے مُجِهٹو نکاح حضرت حمزہؓ بن عبدالمُطّلِب سے بلو، سیٹے شہادتِجیْ پتو شداد بن الھاد سے نکاح بِلوْ۔

سلامتہ بنتِ عمیس: ییٹے اول نکاح عبدالله بن کعب سے بِلوْ۔

ولادت: حضرت میمونه ره ای ولادت حضور صلی الله علیه وسلم ال بعثتِجی 18 کال مُڇهو 592 عیسوی ده مکّه ده بِلیْ.

تم مُجِهنو نکاح: حضرت میمونه الله اعلام اول نکاح جهالت اع زُمنه ده مسعود بن عمرو بن عمیر الثقفی سے بِلُس، مِشتی سمُخ نه بون ده نکاح پُهطِلُس دے عمرو بن عمیر ثقفی اسه مُشاسو کهاں سے چے پهیئے عبد یا لیل، مسعود گه حبیب کهاں طائف ده جشٹیره اِشمار بینس، کهاں وخ ده

مولاناسعيد انصاري بير الصحابه، جلد 6، ص: 87؛ محمد بن عبدالباقي الزرقاني، المواهب اللدنيه، جلد 3، صفحه 288 \_ 3

حضورﷺ دِینے دعوت دون طائفُڑ گیئس توْ آ جگا نبی علیہ السلام سے لئی کھچٹِیار گہ تیرے تھیگاس۔

دوموگؤ نکاح: دوموگؤ نکاح ابو رہم بن عبدالعزیٰ سے بِلوْ کھاں 7 ہجری دہ وفات بِلوْ، آن حضرت میمونہ ﷺ کگُونیْ پہت بِلیْ۔

چوموگو نکاح: چوموگو نکاح حضور صلی الله علیه وسلم سے شوال، 7 ہجری دہ بِلو کھاں وخ دہ حضور ﷺ عمرة القضاء ادا تھونے کِرِیا مکّہ شریفَر آلاس و نکاح تھونے مشورہ نبی علیہ السلام ائے پِچِی حضرت عباس این عبدالمُطّلِب ای داؤس۔ حضرت میمونہ ﷺ، حضرت عباس ای ای سوونیس آن اُم افضل (جمات حضرت عباس) ائے اُسکُون سَسِس۔ حضرت عباس ای ای نبی علیہ السلام کو رجاؤ چہ حضرت میمونہ ﷺ کگیلِن آن سیٹے جوک گہ کُریپ نِش، سیٹو سے نکاح تھیگہ تو لئی مِشٹی ہُو۔ آگی حضور صلی الله علیہ وسلم ای تومو پِچے پُچ حضرت جعفر ﷺ بن ابی طالب حضرت میمونہ ﷺ ائے گوشٹھہ گربستائے کِرِیا چیٹیگہ آن مقام طالب حضرت میمونہ ﷺ ائے عمر 36

امام ابن جرير طبري، تاريخ الرسل و الملوك، حبلد 3،ص:25 ـ 4

امام ابن حريرطبري، تاريخ الرسل والملوك، جلد 11،ص: 611\_ <sup>5</sup>

<sup>،</sup> جلد 8، ص: 135 ـ طبقات ابن سعد

کالُس۔ حضرت عباسؓ نِکاحِ متولّی سُوْ۔ حضور صلی اللہ علیہ وسلم اکے ازواجو مجیْ ییْہ تم پتنیْ جماتِس کھانس سے نکاح تھیگاس۔

خوشِلتِیا: منقُولِن چه نکاح ائ سِچنی (پیغام) اُچَهونے وخ ده حضرت میمونه اُلی تومو اُخِجیْ سورِس، پیغام شُئی لئی بڑی خوشلتیاگی سه سو رجیگی: "اُخ گه اُخے سور، بُٹوْجوْ خودَئی گه خود نے رسول ائ نوْ<sup>7</sup>"۔ سوره احزاب ائ دِبوگه دائے موگی آیات ییٹے بارَد نازل بِلِن۔

معاہدہ صلح حدیبیہ: صلح حدیبیہ کھاں 6 ہجری دہ بِلُس اسدی لِکِیلِس چہ مسلمان اٹکیکو کال بیل عمرہ جی پتوڑ مرک بوئے مدینہ ئڑ بوجی آن اِی کال عمرہ تھون آبی مکّہ دہ چے دیزی بُجیش بیے طواف گہ زیارات تُھویی۔ 7 ہجری دہ حضور ایسے تومہ دُو زِر صحابو گئ کھائیٹو مجیْ تورسری گہ بال چھل گہ اسِلہ عمرہ تھون مکّہ شریفُڑ گیئے۔ اج آ دیزَوڑ حضور کی گہ حضرت میمونہ سے اے نکاح بِلُس۔ کھاں وخ دہ معاہدہ اے مطابق مکّہ دہ چے دیزی تام بِلہ تو چرموگؤ دیزہ قُریش اے دُو معتبر مُشے سہیل بن عمرو گہ حویطب بن العزی حضور صلی الله علیہ وسلم اے خدمت دہ آلہ، آن رجیگہ: "یا محمد (کی معاہدہ اے مطابق خھے چے دیزی تام بِلان، آ وجہ گئ چیئے خھو اَسے اُزمُکے جیْ نِکھزی بوجہ"۔ آ مؤرِجیْ ایک

صحابی حضرت سعد بن عباده سخ روش بِلوْ مگر حضور صلی الله علیه وسلم ای سیْس رٹاؤ۔ نبی علیه السلام ای سہیل گه حویطب ئو مهوئیں جِبان گی رجیگہ: "ادی اسا نکاح تھیسَن، اگر ٹِکی پچَے توْ جوْ باک نِش، بیْس گه ٹِکی کھون خهو گه اسو سے ٹِکی کھون ده ٹل بِیا"۔ آ شُٹِی سہیل توموْ موِیِّجی نہ بِھرِلوْ آن روش بوئے رجاؤ: "اسور خهے ٹِکی کھونے المها نانی، خهو لئی جِنی گی ادیؤ نِکھزِی بوج"۔ حضور صلی الله علیه وسلم ای بیٹو سے بسکوْ موش تھون کھوش نه بِله، آن لئی جِنی گی ادیؤ روان بوئے دائے یا بِی میل دُور "سرف" نُومے مقام ده گیے بِسار (قیام) تھیگہ اویؤ نبی علیه السلام اے غولام ابو رافع ﷺ مکہ شریفَر گِیاؤ آن گیے حضرت میمونه ﷺ اکو سے ساتی اٹاؤ اور ادی زبانلے ٹِکی تھیگہ آن بُٹج نِکاح اے ٹِکی تھیگہ۔ ادیؤ مُچِی نبی علیه السلام ای حضرت میمونه ﷺ اکو سے ساتی تھے مدینه شریفَر روان بِله۔

اثرات: حضرت میمونه ولی سے نکاح جی پتو آ سے اسلامِجی لئی مِستی اثرات: حضرت میمونه ولی اثر بِلی نجد اے سردار زیاد بن مالک الهلالی کهاں حضرت میمونه ولی اے سزے خوانُس، سگه نجد اے مُتہ جک کهاں دین گه نبی علیه السلام اے خلافس، اسلام اٹیگه آگی اسلام اے اجتماعی قوت دہ بسکِلی۔

ابونعيم اصفهاني، دلائل النبوة، جلد 4، ص: 330\_ 8

این مشام هیرت النبویی، جلد 2، ص: 646؛ امام این جریر طبری، تاریخ الرسل والملوک، جلد 11، ص: 611\_ 9

#### مناقب أمُّ المُؤمنِين حضرت ميمونه وَاللَّهُ

ا عَنِ ابْنِ عَبَّاسٍ قَالَ: قَالَ رَسُولُ اللّهِ عُلِّالْتُنَا : الْأَخَوَاتُ مُؤْمِنَاتُ: مَيمُونَةُ زَوْجُ النَّبِي عُلِلْتُنَا اللهِ عَلَالْتُنَا : وَ أَخْتُهَا سَلْمَي بِنْتُ الْحَارِثِ امْرَأَةُ حَمْزَةَ، وَ أَسْمَاءُ بِنْتُ عَلِيْسٍ أُخْتُهُا لَهُ وَالطَّبَرَانِيُّ. عَمِيْسٍ أُخْتُهُنَّ لِأُمِّهِنَّ. رَوَاهُ النَّسَائِيُّ وَالْحَاكِمُ وَاللَّفَظُ لَهُ وَالطَّبَرَانِيُّ.

"حضرت عبدالله بن عباس سه بیان تِهینو چه حضور صلی الله علیه وسلم ای ارشاد تهیگه: تمام مومن چیئے اکو مجی سزارانی (پهری ارشاد تهیگه) ام المئومنین میمونه، سه سے سس ام افضل بنتِ حارث، آن سه سے سس سلمی بنتِ حارث حمزه ائے جمات آن اسماء بنتِ عمیس سیٹے اخیافی سزارانی "10 دامام نسائی، امام حاکم، امام طبرانی)۔

مومن سزاره: حضور الله اى رجيگه: "الاخوات مومنات ميمونة و ام افضل و اسماء""

امام حاكم، متدرك حاكم، 4/35، حديث: 6801؛ لمام نسائي، سنن الكبرى، 5/103، حديث: 8387؛ لمام طبراني مجمع الكبير، 415/11، معلم معديث: 12178؛ بيشي، مجمع الزوائد مين، 9/49/2 -

الاصابه، جلد 8،ص:323 - <sup>11</sup>

## أُمُّ المُؤمنِين حضرت ميمونه بنتِ حارث رضى الله عنها منقُول احاديث: حضرت ميمونه والله عن 46 يا 76 احاديث منقُولِن ـ

آؤلات: حضرت ميمونه ولها اك دُوموگوْ خوان ابو رہم جى ييسے چے پھيئے بلاس: عطاء ابن ابو رہم، سليمان ابن ابو رہم، عبدالمالک ابن ابو رہم۔ چوبٹہ ڙاروئے فقہاء دہ مشہور كِلجنَس 21۔

تقویٰ گم صلہ رحمی: حضرت عائشہ الله سہ حضرت میمونہ الله بارَد رزنَن (اسو مجی حضرت میمونہ الله واوصلنا للرحم (اسو مجی حضرت میمونہ خود ے جی بِجِیک گہ صلہ رحمی مجی اُتھلو [ممتاز] مقام داسی)۔

گوڙے کوم کار: حضرت میمونہ ﷺ ائے "رہُو یزید بن اَصَم سہ رزانوْ چہ: "می پِهیپیْ حضرت میمونہﷺ سہ توموْ گوڑے کوم اکے تِهیسی، کثرت گی مسواک تِهیسیْ آن نمازے لئی بڑی اہتمام تِهیسیْ"۔

وفات: امام بیہقی گہ امام ابن ابی شیبہ بیدہاں حضرت میمونہ اسے ائو رہو اسے بیدہاں حضرت میمونہ بیدہاں حضرت میمونہ بیدہ بن اَصَم اے ایک روایت بیان تھیگان چہ: "اُمُّ المُؤمنِین حضرت میمونہ بید مکہ دہ کُریْ نجوڑہ بوئے رجیگی: "اَخْرِجُوْنِ مِنْ مُکَةَ فَانِیْ لاَ اَمُوْتُ بِهَا اَنِّ رَسُولَ بِلُهُ صَلِّی لله عَلَیْهِ وَسَلِّمَ اَخْبَرَفِیْ اَنْ لاَ اَمُوْتَ بِهَکِّة" در موں مکہ جی باہر رہو، ادبی مؤر مرگ نہ آیو، تے چہ حضور صلی الله علیہ وسلم ای مور رجیگاس چہ می

امام ابن جحر عسقلاني، الاصابه في تمييز الصحابه، جلد: 8، ص: 192-

محمود ميان مجمى، امهات المؤمنين، ص: 148\_ 12

مرگ مکّه ده نه بَو" کوئے روایتو مجیْ آگه رزنن چه حضرت میمونه او رجیگِس چه سینٹو "سرف"مقام نُر بره کهاں زائی ده حضور سینٹے وفات بِلیْ زبانل بِلِس سینٹے رزنی مطابق آج اسدیر بریگه، اج اسدی سینٹے وفات بِلیْ آن اج اسدی سینٹو اِسپاریگه جنازه اے نماز عبدالله بن عباس ای تهیاؤ آن حضرت میمونه اے ربو گه عبدالله بن عباس ای قبر ده ییگاس ال حضرت میمونه ای وفات 80 کالو عُمر ده 51 هجری ده بِلِس ۔

نبی علیہ السلام اے 9 جمات مُطہرات مدینہ شریف اے بقیع سِرَئی دہ، حضرت خدیجہ مکّہ شریفے اے سِرَئی جنت المعلی (حجون) دہ آل حضرت میمونہ مقام سرف دہ اسپاریلیانی۔





المام جلال الدين سيوطيٌّ، الخصائص الكبرلي، جلد 2 ،ص: 428\_ 14

مكّه مكرّمه جيْ شِنا دُور مقامِ "سرف" ده أُمُّ المُؤمنِين حضرت ميمونه اللهُ اللهُ اللهُ مكرّمه جيْ شِنا دُور مقامِ "نواريه" نؤ ـ قبر مبارك ـ مقامِ سرف الْ چُوكوْ نُوم "نواريه" نؤ ـ

